

Na osnovu člana 16. stav (1) i člana 17. stav (2) Zakona o Vladi Hercegovinačko - neretvanskog kantona („Službene novine HNK“, broj: 3/07, 5/09), i na osnovu člana 28. stav (6) Zakona o koncesijama Hercegovinačko - neretvanskog kantona („Službene novine HNK“, broj: 1/13), Vlada je na 19. sjednici, održanoj dana 07.04.2016.godine, donijela

**ODLUKU O DODJELI KONCESIJE
ZA EKSPLOATACIJU MINERALNE SIROVINE
ARHITEKTONSKO GRAĐEVINSKOG KAMENA GABRA
NA LOKALITETU „FINDIK“ OPĆINA JABLANICA**

Član 1.

Vlada Hercegovinačko - neretvanskog kantona kao Koncesor, dodjeljuje koncesiju za eksploataciju mineralne sirovine arhitektonsko građevinskog kamena gabra na lokalitetu „Findik“, Općina Jablanica, Koncesionaru privrednom društvu „GABRO-LIT“ d.o.o. Konjic.

Član 2.

(1) Eksploatacija mineralne sirovine arhitektonsko građevinskog kamena gabra će se obavljati na području Općine Jablanica, na lokalitetu „Findik“, unutar koordinata:

TAČKA	Y	X
A	6 478 023.20	4 837 426.66
B	6 477 775.00	4 837 475.00
C	6 477 622.89	4 837 845.55
D	6 477 814.95	4 838 357.44
A1	6 478 155.00	4 838 345.00
A'	6 477 922.00	4 837 670.00

površine cca 27,94 ha, na zemljištu koje obuhvata dijelove katastarskih čestica broj 2725 i 3054 K.O. Jablanica.

(2) Koncesionaru se dodjeljuje koncesija za eksploataciju mineralne sirovine arhitektonsko građevinskog kamena gabra, u ukupnoj količini 28.951 m³.

Član 3.

(1) Koncesija se dodjeljuje na period od 24 (dvadesetčetiri) godine.

(2) Početkom korištenja koncesije smatrat će se dan konačnosti rješenja kojim se odobrava izvođenje radova prema rudarskom projektu.

(3) Koncesija prestaje istekom dvadesetčetiri godine od dana početka korištenja koncesije.

Član 4.

(1) Prava i obaveze Koncesora i Koncesionara precizirat će se ugovorom o koncesiji koji će, uz prethodnu saglasnost Vlade i pribavljeno mišljenje Kantonalnog javnog pravobranilaštva, u ime Koncesora s Koncesionarom potpisati ministar privrede HNK.

(2) Krajnji rok za potpisivanje ugovora iz stava (1) ovog člana je 30 dana od dana konačnosti ove Odluke.

(3) Eventualne izmjene i dopune ugovora o koncesiji, te raskid ugovora o koncesiji ukoliko za to nastanu zakonski uslovi, vrši se na isti način i postupak kao kod zaključenja ugovora.

Član 5.

(1) Jednokratna koncesiona naknada iznosi 277.003,15 KM (slovima: dvijestotinesedamdesetsedamhiljadatrikonvertibilnemarka i 15/100).

(2) U slučaju da se predmet koncesije počne koristiti u 2015. godini, tekuća (godišnja) koncesiona naknada za tu godinu iznosi 24,00 KM/m³ (slovima: dvadesetčetirikonvertibilnemarka).

(3) Ugovorom o koncesiji propisat će se način i rokovi plaćanja koncesionih naknada iz stava (1) i (2) ovog člana, i to u skladu sa odredbama Odluke o načinu utvrđivanja, načinu i rokovima plaćanja koncesione naknade za eksploataciju mineralnih sirovina na području Hercegovsko - neretvanskog kantona („Službene novine HNK”, broj: 2/14).

(4) Sredstvo obezbjeđenja za izvršavanje obaveza plaćanja koncesionih naknada iz stava (1) i (2) ovog člana, je безусловna bankarska garancija za svaku vrstu naknade posebno, i to u vrijednosti iznosa ovih naknada, a ugovorom o koncesiji poblize će se propisati ova obaveza Koncesionara, kao i rokovi za dostavu ovih garancija, te posljedice neizvršavanja obaveze plaćanja ovih naknada.

Član 6.

(1) Koncesiona djelatnost obavljat će se na način i pod uslovima propisanim Zakonom o rudarstvu Hercegovsko - neretvanskog kantona (“Službene novine HNK”, broj: 7/11, 9/12), Zakonom o koncesijama Hercegovsko - neretvanskog kantona („Službene novine HNK“, broj: 1/13) i ostalim propisima koji regulišu oblast eksploatacije mineralnih sirovina, kao i glavnim rudarskim projektom.

(2) Zakonski propisi i standardi koji regulišu pitanja zaštite okoline, prostornog planiranja, šumarstva, vodoprivrede i zaštite na radu, su također obavezujući za koncesionara.

Član 7.

Ugovorom o koncesiji obavezno će se propisati i slijedeće obaveze:

- a) da se Koncesionar obavezuje podnijeti zahtjev za izdavanje dozvole za eksploataciju nadležnom organu u roku od 30 dana od dana zaključenja ugovora o koncesiji;
- b) da se Koncesionar obavezuje prije početka korištenja koncesije, na svoj trošak i na svoj rizik, ishodovati sve dozvole/saglasnosti koje su propisane posebnim zakonima koji regulišu oblast zaštite okoline, šumarstva, vodoprivrede i prostornog planiranja, ukoliko postoje zakonske obaveze i uslovi za to ishodovanje;
- c) da se Koncesionar obavezuje da će pri izvođenju rudarskih radova preduzeti mjere potrebne za zaštitu na radu, za zaštitu života i zdravlja građana kao i obezbjeđenja imovine, te da će prema glavnom rudarskom projektu izvršiti sanaciju zemljišta i rekultivaciju devastiranih površina nastalih uslijed rudarskih radova, kao i provesti mjere obezbjeđenja kako bi se trajno isključile opasnosti po život i zdravlje ljudi i imovine i mogući uzročnici zagađenja okoline, odnosno štete na objektima i okolini;
- d) da će se ugovor o koncesiji raskinuti pod uslovima predviđenim Zakonom o koncesijama, kao i ako koncesionar dvije godine za redom iskopa na godišnjem nivou manje od 70% količine sirovine utvrđene planom eksploatacije za tu godinu;
- e) da je za nadzor nad ostvarenjem koncesije nadležno Ministarstvo privrede, ili lice koje Ministar privrede ovlasti, kao i Ministarstvo finansija za nadzor nad ispunjenjem finansijskih obaveza;
- f) da se dodijeljena koncesija može prenijeti na drugo pravno lice u skladu sa Zakonom o koncesijama;

- g) obaveze određene Zaključkom Općinskog vijeća Općine Jablanica broj: 02-02-130-11/14-XV od 30.01.2014. godine i aktom Šumarstva „Srednje Neretvanskog“ d.d. Mostar broj: 15-r/15 od 06.02.2015. godine, ukoliko ove obaveze nisu u suprotnosti sa odredbama propisa kojima se uređuje određena oblast na koju se uslovi odnose.

Član 8.

Nezadovoljni učesnik postupka za dodjelu koncesije može, u roku od 15 dana od dana objavljivanja ove Odluke, Vladi Hercegovačko - neretvanskog kantona podnijeti zahtjev za preispitivanje Odluke u skladu sa članom 29. Zakona o koncesijama Hercegovačko - neretvanskog kantona.

Član 9.

Ova Odluka objavit će se u „Službenim novinama Hercegovačko - neretvanskog kantona“, a stupa na snagu danom njene konačnosti.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
V L A D A

Broj:07-1-02-766 /16
Mostar, 07.04.2016.godine

P R E D S J E D N I K

Nevenko Herceg

